


Kodak
LICENSED PRODUCT

M

Y

C

KODAK Gray Scale



赤水玄珠

醫
案

四
十
三

武
316
44



門中武
516
卷 44



水玄珠醫案新都治驗六卷目錄

諫患跨馬癘有發明 一婦咳嗽痰中有紅二

周佃侄春溫鼻衄寒戰三 汪氏婦腹脹如斗四

仲登陽症侶陰有發明五

汪希明性躁痰火咳嗽吐紅六

祝弘吾潮熱咳嗽汗流不止七

汪宥翁老年勞倦感冒胸膈大熱而痞八

汪鍊兄內人經水紫黑血塊不止九

程相如令政姪發寒熱十 余文台壯年咳嗽吐紅十一

新印目錄 一六卷

邵伯成女經行而浴感冒大發寒熱嘔吐煩躁

金氏婦血崩後四肢浮腫 十三

張雲門令郎囊癰 十四

朱宅內眷懷妊受驚而成子懸 有發明 十五

胡鄰泉女吐血潮熱 十六

汪思石令堂怒後暈厥 十七

侄孫君實遍身筋骨疼如虎噬 十八

葉子黑內人疫後虛憊 十九

孫如亭令政右眼眦突生白泡二寸餘嘔吐眩暈 有發明 二十

吳勉全腹痛欲死 有發明 二十一

黃頤全內子產未弥月醉犯房事血來如崩 二十二

程心章兄頰腮紅腫 二十三

程六十喘後發腫 二十四

程七護丈發熱背痛伏梁積塊下痢紅白 二十五

程孺人黃氏春溫過時熱病 二十六

程有望孺人月汛當止不止 二十七

上舍近洲胸脇脹痛 有發明 二十八

黃源金先生內人吐血洩瀉發喘 有大發明 二十九

孫合溪翁八旬而發寒熱咳嗽汗出不止飢餓連

聲 三十

孝廉方叔度令嫂汪氏脹滿 三十一

吳天威丈便癰 有發明 三十二

文貴者時疫渴底發熱譫語 有發明 三十三

鍾澤程夢奎孺人哭子過傷因發寒熱 有發明 三十四

歛潛口汪召南丈令即蠱脹 有發明 三十五

岩鎮鄭景南丈痰飲積塊跳動不止 有發明 三十六

目錄終

赤水玄珠醫案六卷

明新安生生子孫一奎文垣甫輯

門人余煌

子 泰來 全閱梓

新都治驗

太學岐原門下幹人名仲諫者患跨馬瘧大發寒熱紅腫疼痛嘔惡不納飲食外科醫月餘腫痛日加飲食日減肌肉日消精神大憊不能起

岐原邀予脉之六部數而無力形氣殊不勝息時
有專科唐氏為渠調劑將進予詰何劑唐曰真
人活命飲也曾服四劑今始加大黃予復詰曰
前此何劑唐曰敗毒散黃連解毒湯予曉之曰
此皆治初起有餘之疾據今症乃氣血大不足
者法當大補托而出之庶保終吉唐曰凡痛為
實痺為虛今痛正盛脉正數飲食且不進大補
必加飽悶飲食何由進熱毒何由出也予正色
語之曰素問云數脉所主其邪為熱其症為虛

今痛極者皆由寒涼敗毒之劑傷脾胃凝氣血
故飲食減而痛增也又以敗毒之劑進是鴆之
爾安望膿出而全其生乎唐曰補劑追膿潰之
後或因膿清而後用之今膿未出安可謂虛而
補之吾為專門不敢任其責予顧岐原曰生死
在此一劑不可不慎彼謂膿未出無補理彼排
膿內托散十全大補湯非外科急劑乎大抵凡
病寧使有餘後欲剝之適為易易今狼狽若此
再株守成法剝削後何以措手岐原曰井蛙之

見豈知有天惟叔命劑予用黃耆三錢人參二錢川芎當歸各一錢白芷官桂甘草防風各五分急煎飲之一帖痛止而精神回飲食進再劑而膿潰十帖肉生能動止矣唐廼拊膺噴又語同列曰今而後知補劑能出膿而加食也吾儕外科當永識此以為法則一

一婦咳嗽痰中有紅大便一日五六度惡心飲食極難下鬲總下鬲腹中即不安立時欲瀉必盡瀉出乃止肌肉消瘦下午發熱熱將發時四肢

先麻兩足膝皆戰搖兩寸關脈滑數兩尺沉細此虛中有食積痰飲之候也脈雖數午後雖發熱不敢輕用寒涼特為溫補下元庶關門有守瀉可止也山茱萸兔絲子人參破故紙杜仲山藥茯苓澤瀉桂心砂仁服下甚安四劑後下體不戰搖矣但飲食腹中微疼即欲登廁前方減去山茱萸加白朮肉果木香八帖愈
族姪煌春溫後忽鼻衄寒戰小水不利舌上焦黃目珠極紅六脈伏而不見舉室惶又予曰此作

汗之兆由熱極使然也。因先時汗未透徹，陽明餘熱在經，迫血上行，越出鼻竅，故有此症。以石膏滑石生地黃升麻赤芍藥牡丹皮麥門冬天冬粉甘草煎而服之，汗出如兩，直至兩蹠舌潤而胎盡退，衄亦止。目珠色淡，脈乃漸出，改用入參麥門冬五味子白芍藥甘草知母黃芩柴胡竹葉石膏服下，大便原五日未通，今亦始行，精神大轉，飲食亦漸進矣。三

富昨汪氏婦對河程門女也。年僅三八，經不行者

半載，腹大如斗，堅如石，時或作痛，里醫盡技，以治月餘弗瘳，乃舉歎友為翼。又治月餘，腹轉脹急，小便涓滴不通，乃做予治。孫仲閣法而用溫補下元之劑，則脹急欲裂，自經求盡。文學南瀛憐之，薦予診其脈，兩關洪滑，鼓指按之不下，廼有餘之候也。症雖重，机可生。詢其致病之源，由乃姑治家嚴而過儉，其母極事姑，息常令女童袖熟鷄牛古之類，私授之。因魅食冷物積而漸成鼓脹。前任事者並不察病源，不審脈候，誤作

氣虛中滿治之脹而欲裂宜其然也乃用積塊
丸三下之而脹消積去後以丹溪保和丸調養
一月而愈積塊丸列赤水玄珠第五卷虫蠱後
四

族侄孫仲登因與堂兄構訟城中方歸時值二月
末旬醉後房事一起而小波隨即臍下作痛水
瀉腸鳴一日十數度發熱頭痛里醫進理中湯
一帖反加嘔逆煩躁口渴數予胘之左脉絃太
右洪大俱七至飲食不能下咽晝夜不得睡面

赤唇燥舌上黃胎深厚胘畢語予曰我房失後
陰症傷寒也小腹痛且漏底幸叔祖救之予咲
而應曰以子所言決為陰症以予指下辨之當
是春溫陽症也且外症亦陽烏得為有房事而
遽以理中進之乎族中相知者交為予言渠病
的屬陰症故嘔吐水瀉不可因其面赤便認為
陽顧戴陽症與此近倡幸加察之吾輩正擬於
理中湯內再加大附子肉桂庶可保全予極言
不可仲景有云桂枝下咽陽盛則斃况附子理

中者乎。陰陽寒熱之間辨之。不真生死反掌耳。茲當舍症而從脉也。以温胆湯加姜汁炒黃連柴胡乾葛與二帖。囑令當夜飲盡。俾明日不它傳也。予別後渠一服而嘔逆止。餘症悉在。詰朝予診。竟扣渠曰。夜來二藥必未服完。不然何兩手之脉洪大搏指如是。僉曰。因有竹茹黃連恐非房失後所宜。故僅服一。予曰。不服黃連致熱轉劇。今日非石膏不能已。乃與白虎湯加竹茹兩劑。臨別囑渠曰。今症非昨日可比。用石膏者

豈得已哉。設當用不用。使經中之熱傳入於腑。非大黃不能瘳。切勿失時。誤事。詎知別後又有惑之者。仍只服一帖。瀉即隨止。餘小腹之痛。具在。次日予診畢。語渠曰。昨臨行時。囑之再三。何乃又不服完。今脉洪長堅硬。邪已入腑。柰何。柰何對曰。衆謂石膏大寒。恐小腹加痛。實只服一帖而已。予曰。懼服石膏。今且服大黃矣。皆失時誤事之過。周金人銘云。痰又不滅。炎炎柰何其斯之謂歟。思非桃仁承氣湯不可。乃覲面前服

連飲二劑下極黑燥糞五六枚痛熱俱減再為
診之六脉皆緩弱迨是病方盡去改以四君子
湯加白芍藥黃連香附調養數日而愈五

汪希明竹山大長君也年弱冠性多躁素有痰火
舊曾吐紅張醫用收澁之劑太早以致痰與瘀
血滯經絡釀成病根恬不知覺且為炙肺俞
膏盲撼動前疾止澁無功滋陰作壅咳不能睡
又誤作風邪而投發散風劑不思火盛得風其
勢愈熾血從口鼻噴出勢如泉湧延予為治示

部洪數身熱而煩又時當三伏內外之火夾攻
縱體質剛勁寧能堪此銷鑠哉予思非釜底抽
薪之法難奪其上湧之勢乃以三製大黃三錢
石膏五錢黃連茜根滑石各二錢牡丹皮一錢
急煎飲之大便微行二次血來少緩即用石膏
滑石冬青子各三錢旱蓮草茜根各二錢黃連
山梔子貝母各一錢甘草五分茅草根五錢煎
服血乃全止三日後大便結燥火又上逆咳
連聲左關脉絃勁右關洪滑與當歸龍會丸下

之而咳始緩改以瓜萹仁黃根各一錢五分貝
母旱蓮草麥門冬知母各一錢白芍藥二錢黃
連黃芩各七分青皮甘草各三分仍加茅根後
每遇大便燥結即進龍會丸此調理三月大
定半載全瘳書云病有六不灸火盛者不灸此
由誤灸幾於不保故特識之以為好灸者龜鑒
六

德興文學祝弘吾公祝令君叔祖也在休衙偶有
陰陽之患于午潮熱咳嗽痰多汗流不止胸膈

不暢大便燥結動作喘乏口渴以貝母知母瓜
萹仁桑白皮各一錢枳殼黃連麥門冬各八分
桔梗柴胡前胡各五分甘草三分五味子十一
粒服下五更微汗熱退十之七惟痰嗽喘乏改
用瓜萹仁三錢餘如前外以七製化痰丸夜服
熱盡退渠甚喜以為自是以往可勿藥矣予曰
未也據脈絃數不減恐防作瘡公未為然予適
東行半月書報瘡作咳嗽轉加所出皆黃粘老
痰予曰書云無痰不作瘡仍用前方倍加柴胡

貝母為君加烏梅一介四劑霍然良已公曰翁之視疾應若桴鼓古云智者不治已病治未病吾於翁言徵之迺以是備言祝令公祝令公喜曰孫君匪獨得岐黃正脉其雅誼足稱叔祖尚未前聞予當賦詩以贈於是欣然手書若干律以授余其詩附後第六卷

素封汪宥翁年八十有一因勞倦感冒胸膈大熱而痞口渴舌上胎白如敷粉咳嗽夜不能眠此少陽症也柴胡一錢桔梗枳壳竹茹知母各八

分酒連酒苓天荅粉各七分甘草四分姜三片服下乃得睡口仍渴痰仍嗽前方加半夏麩夜與二母丸治其熱嗽而愈

汪鍊兄內人經水久不止內有紫黑血塊今則胃脘胸腹皆痛平戶且腫手足皆冷絕不知餓臍腹之下有一塊堅如鉄脉左數右沉澁此血痕症也用糖毬子五錢玄胡索五靈脂香附麦芽青皮各一錢水煎服夜即痛減其半手足漸溫後加丹參川芎蒲黃益母草當歸四帖而痛全

止。至戶亦消。再四帖而經調。九

程相如。夫令政孕四月。頭疼。遍身皆痛。腰痛更甚。惡寒發熱。咳嗽口渴。六脉浮數。呂小柴胡湯加防風羌活葛根姜枣煎服。夜忽大發寒戰。繼而發熱。五更又發戰。告急於予。予曰。此作汗之兆。俄而汗出口渴頭疼身熱皆減。惟胸膈脹悶。此胎氣上逼而為子懸。以大紫蘊飲與之。紫蘊人參白朮茯苓甘草當歸陳皮大腹皮川芎白芍藥服後身冷而汗出不止。胸腹脹痛急。呂奪命

丹進服下。嗒然而睡。覺則痛止。脹消。始能進食。身温汗止。駸駸向安。奪命丹用白茯苓牡丹皮桃仁白芍藥桂枝醋水煎服。止痛如神。十

余文台。壯年咳嗽吐紅。腹中常痛。夜多口渴。夢遺。背心作脹。兩手脉短弱。兩關絃大。左尺弱。右尺滑大。心血不足。中焦有痰積。高間有瘀血。陰分有滯火。乃先為清肅。上焦用山梔仁牡丹皮丹參茯苓甘草貝母橘紅益元散服十帖。背脹漸消。惟咳不止。改用黃芩杏仁半夏麴益元散黃

連瓜萸仁甘草十帖而嗽止。惟腹疼不除。再召
遇德丹全。丹溪保和丸進之。大便下。稠積痰多
甚。後召人參白茯苓白芍藥熟地知母麥門冬
甘草當歸五味子調理而愈。十一

邵伯成夫。太令愛。經水適行。洗浴後。感冒風邪。誤
服人參補劑。大發寒熱。嘔吐煩躁。隨即口噤。心
煩。不安。循衣摸床。時當仲夏之晦。予謂上焦有
痰。因誤補。故阻滯。其氣道而然。與加味溫膽湯。
半夏四錢。橘紅二錢。白茯苓枳實竹茹麥門冬

各一錢。益元散三錢。生姜三片。水煎飲之。一帖
而安。後稍勞。復頭疼。痰火上衝。背脹腰痛。以柴
胡薄荷甘草枳殼桔梗酒苓桑皮半夏麥門冬
山梔仁茯苓生姜調養全愈。十二

金氏婦。蘊雙泉之親媽也。舊秋患崩中。愈後。方百
日。時值上巳。因洗浴。受風邪。外寒而束。內熱。前
後心脹。四肢腫痛。面有浮氣。惡寒發熱。呵欠不
時。大小便欲行不行。口內常甜。六脉浮大。而數
以柴胡熟蘊麻黃桔梗枳殼大腹皮厚朴酒苓

姜黃服下夜得微汗胸腹稍安四肢仍脹再加
蘿蔔子進之覺煩躁且醋心改用二陳湯加香
附大腹皮桑白皮姜連枳壳山梔子各八分益
元散二錢薏以仁三錢吳茱萸三分服下四肢
消半面氣全消覺腰疼噯氣胸高嘈辣用六君
子湯加薏以仁姜連厚朴知母澤瀉鬱金砂仁
枳實調養半月四肢悉平嘈雜尋愈十三
文學張雲門三令郎丁年偶發寒熱右脇有一塊
降起疼痛手不可近下午至夜尤甚額顱手心

皆熱脈右關洪滑兩尺尤有力日夜不得睡延
做推氣散例姜黃桔梗川芎各一錢伍分枳實
二錢白芍藥一錢粉草五分姜棗煎服外與當
歸龍會丸其夜大便行一次頗得睡三更後先
發寒戰徐熱至五鼓微汗而脇疼寒熱悉減再
診之左脈畧絃舌有黃白厚胎兩脇重按微疼
大便燥結不行以小柴胡湯減半夏倍加瓜萸
蠶甲牡蠣脇疼全瘳掣丸畧硬痛彼自以為無
恙矣予語渠姐夫徐仲子備曰病先起脇下顧

勝下為肝之經後及舉丸硬疼其舉丸亦肝之
地此餘熱未盡徹故也而彼已厭藥以小愈為
全安不出浹旬必有奇疾徐仲子曰奇者若何
予曰此君性急好勝倘勉強作文遇勞而發增
寒壯熱非瘡即囊瘻也予倘東行子宜識之別
後半月果因作文夜發寒熱囊漸腫大其熱如
火及予至診之六部皆數兩尺且近於洪知其
膿已成必潰而後已彼心甚恐予曰無傷易與
耳急以營衛返魂湯加金銀荖為君兩帖而膿

潰再加人參又兩帖而肌生十日全愈方用
首烏赤芍藥當歸小茴香甘草節木通金銀荖
貝母枳殼白芷水與酒共煎服之此方加獨活
治流注九神十四

朱宅內春孕已八月因送殯受驚胸膈脹悶嘔逆
不入食城中時師認為外感為之發散嘔惡愈
劇舉家恐胎有動延予診視兩寸脉皆洪滑兩
尺弱此亢上不下之候胸膈脹者蓋由子懸而
然此一劑可瘳也夫曰胎婦難任峻劑觀其嘔

惡之狀脹悶之勢時刻不抵一劑曷愈予曰請
試之與溫胆湯加姜汁炒黃連大腹皮水煎成
送下姜汁益元丸果一帖而嘔止曷寬即能進
食午後酣寢貼然若未始有病者其失訝曰溫
膽湯何神若此幸詳其義予曰胎孕之症重在
足少陽足少陽者膽也病起於驚氣逆痰隨胎
氣上逼故脉亢上不下在難經為溢候由木火
之性上而不下經曰上部有脉下部無脉其人
當吐不吐者死予故云一劑可愈也方名溫膽

者此溫字非溫暖之溫迺溫存之溫黃連竹茹
清其肝膽之火全白茯苓而安心神益元丸壓
其痰火下行火下行而胎因之亦安矣筠臯公
曰先生認症真故投劑確非神乎藥神乎用也
十五

胡鄰泉令愛及笄後患吐血每吐碗餘下午倦怠
夜分潮熱嘔吐不食大便秘結時師視為陰虛
火動投以滋陰之劑反加飽悶背心脹痛予診
其脉兩寸洪大兩尺弱知其有瘀血凝滯以致

新血不得歸經故滿而溢也。法當消瘀為主。用
白芍藥枳壳前胡益元散桃仁紅荅牡丹皮山
梔子貝母水煎服。入蘿蔔汁一小酒杯。服後
嘔吐如舊。大便仍秘。乃以龍會丸通之。更以石
膏三錢橘紅半夏麩姜連苗根竹茹黃連枳壳
各一錢白茯苓八分甘草三分。服後大便行。三
次吐止。食進。後用二陳湯加滑石丹參丹皮苗
根白芍藥香附二十劑。後經行熱退背脹悉愈。
從此經調血不上逆。十六

汪思石令堂年可五旬。大怒後小解。驀然暈厥。
禁牙關不省人事。以藜合香丸灌之。而甦。左手
右足疼痛不能舉動。用二陳湯加酒苓五加皮
秦艽石菖蒲防風蒼以仁紫荆皮四帖而愈。十
七

族姪孫君實。壯年患遍身筋骨疼痛。肢節腫痛。其
痛極狀如虎噬。大小便起止非三五人不能扶。
諸痛處熱如火燎。食飲不入。呻吟床褥。已經二
候。有以疎風之劑投者不應。又以乳香沒藥活

血止痛之劑投者亦不應延子胗治六脉浮緊而數子曰此周痺也勢甚惡俗名白虎歷節風迺濕熱所致丹溪云腫屬濕痛屬火火性速故痛暴猛若此以生地黄紅朮酒芍酒連酒栢秦朮防風羌活獨活海桐皮葳靈僊甘草四劑而痛減大半再加赤芍藥當歸蒼耳子薏以仁減去獨活秦朮又八劑全愈十八

葉子黑內人患疫醫為其汗為其下蓋技不能起死寢者已浹旬家事窶乏亦不能復迎醫鄰人

觀其狀以生死在須臾間群然發善原科飲助其殯飲之需子聞為之胗六部俱微弱不充指右關稍滑精神昏憊僅一息奄奄四肢冷厥口渴子胗畢語諸鄰曰據症甚危據脉邪已盡退惟虛憊而神氣弱非大補不能也諸君苟能以助殯者助其市人參庶幾可起死而還之生也諸君既憐其死寧不以冀其生乎予非辜有希覬顧渠力不贍願與諸君共圓滿好生善果耳諸鄰固有善心激於余言益忻然相語曰惟先

生命即以六君子湯加歸芍補氣血而化痰涎以麥門冬五味子復脉通心而生津液以桂枝温其四體午刻進藥晡刻四肢漸暖精神煥發尚無方開聲改以生脉湯加遠志歸芍以仁山藥調理而愈諸鄰人大快

十九

孫如亭令政年過四十眼偶赤腫兩天陽疼痛大便不行者三日平時汛期一月僅二日今行四日猶且未止里有開化余雲谷者自謂眼科捷手醫治踰候腫赤不消而右眼內眦突生一白

泡垂與鼻齊大二寸餘余見而駭走以為奇疾莫能措劑又見其嘔吐眩暈伏於枕上畧不敢動稍動則眩愈極吐愈急疑其變鬲不治予為診之兩寸關脉俱滑大有力兩尺沉微予曰此中焦有痰肝胆有火必為怒氣所觸而然內經云諸風掉眩皆屬肝木諸逆衝上皆屬於火蓋無痰不作暈也眼眦白泡迺火性急速怒氣加之氣乘於絡上而不下故直脹出眼外也古井士一怒而目眦裂與白泡脹出眦外理同肝為

血海故血亦來不止治當抑其肝木清鎮痰火
則諸症自瘳先用姜汁益元丸壓其痰火以止
其吐再以二陳湯加酒連酒芩天麻滑石吳茱
萸竹茹枳實煎飲一帖吐止運定頭稍能動改
用二陳湯加芩連殼精草夏枯草香附子吳茱
萸薏以仁兩劑赤腫消白泡歛四劑全愈血海
亦淨從是後不發

吳勉坐年近五十有腹痛疾或作或止性極急多
躁多怒今痛在當臍不問晝夜市里醫者為下

之已五日大便雖瀉痛則尤甚飲食不進手足
清冷形神俱倦脉僅四至重按則伏而有力此
由攻剋太過寒涼傷脾脾虛則中氣不運積反
疑滯以故大便雖瀉而積不行痛終不減也治
當建立中氣為主中氣一回痛當立止先與王
海藏五神丸二錢滾水送下以止其痛此丸補
接元氣安和五臟升降陰陽極有神應故名五
神丸方出醫壘元再用小建中湯調肝養脾蓋
臍下迺肝經部位惟此湯迺對症劑也白芍酒

新卷六
炒三錢。炙甘草一錢五分。桂心一錢。加香附一錢。生姜三片。水煎服。午牌進藥。未牌已報痛止。因其夜進粥太頻。且食鴨汁。撼動餘積。腹又作痛。且加脹悶。面有浮氣。裏急後重。與四平丸而漸定。外以二陳湯加香附。砂仁。蒼朮。厚朴。山查。腹中始覺寬快。三日無恙。又縱恣口腹。大啖肥甘。糕粽肉鷄之類。不飽不止。腹中大痛。時刻難存。欲吐則食已下。禹欲瀉則食尚未入腸。自喊叫云。可取木香。檳榔丸。大承氣湯。急與我下之。

雖死無憾。予諭之曰。據痛雖甚。腹則不堅。顧今日適屆冬節。禮曰。先王於至日閉關。安靜以養。微陽自啟。以大寒峻劑。而汨天和乎。設不得已。只須柏樹東行根上白皮一錢。長流水煎飲之。一服可愈也。夜已二鼓。覓而煎服。天明瀉三五行。痛減大半。仍與小建中湯和之。痛又旋減。惟臍下尚不脫然。常又以熟手重慰之。大便欲行。及至廁則又不解。知其血少而氣不調。用熟地三錢。白芍一錢。杏仁二錢。烏藥一錢。木香五分。

水煎飲既下黑糞甚多十年腹痛沉疴從此再不復萌此後勉益常語又曰吾得孫公五神丸相根皮小建中湯三法不啻脫胎換骨數年來豈惟飲食增加即步履輕便捷若少壯皆孫君賜也親友有求其三法者昇而服之捷若桴鼓彼家謂予殆三生夙緣云 二十一

黃願全內子產未彌月醉犯房事血來如崩執不可遏發熱頭暈大小便俱熱六脉洪大以竹茹蒲黃白芍藥各一錢香附茯苓側柏葉青蒿各

七分甘草炮姜艾葉各三分血止大半腰猶脹痛下午胸膈飽悶改以川芎五分當歸茯苓破故紙蒲黃香附各八分姜炭甘草各一分陳皮七分人參一錢服此血全止腰痛亦愈 二十二
程心童兒頰腮紅腫嘔惡發熱不能進食下午煩燥口苦夜不能睡六脉洪大此俗名鸚鵡瘟是也迺少陽陽明二經之症法當清解以柴胡貫衆各二錢乾葛竹茹半夏麩各一錢黃連枳壳各七分甘草四分一帖而瘳其半再服腫消食

進而安睡矣。二十三

程六十者原有喘嗽今腫發於面四肢俱浮大便
溏小水少時多怔忡此痰飲症也以旋覆花湯
加桑白皮薏以仁圭之旋覆花桑白皮各一錢
半夏人參橘紅茯苓各七分厚朴五分桂心甘
草各三分薏以仁一錢五分生姜三片水煎服
一劑而怔忡除四劑喘腫俱消。二十四

程七護文發熱背痛起於傷酒醫治三月反加裏
急後重瀉下紅白稠粘中脘有塊自鳩尾骨直

硬至臍如橫梁狀小水少且澁一日僅進粥二
盞卧不能起纔立起即後重下墜腹中隱隱痛
與積塊丸消之連與二日所下血屑甚多外與
滑石三錢當歸二錢桃仁川芎白芍藥枳實山
查各一錢酒苓酒連各八分木香六分升麻五
分連進四帖塊軟腹寬再以丹溪保和丸煎服
一月而消其六飲食大加紅白俱無塊痛硬勢
雖云稍可然其根尚未易刈素多縱性飲啖無
忌每每為飲食所復病久而中氣虛弱難任峻

劑。迺與六君子湯加香附山查滑石紅麴木香酒連調理而全。迺囑之曰：足下兩構危疾，皆縱恣所致，不佞殫力盡技，為足下拯之，非易易也。固三生之緣，有在。幸無為再悞。邵子謂爽口物作疾，快心事為殃，足下其鑒諸。

二十五

程孺人黃氏，予之內親也。發熱頭痛，遍身如燬，口渴，語不進。先已迎程文峰氏療之，認為痛風，止授以蠟丸及辛溫之劑，進之。予適至，為之診六部，絃而洪數，視其舌皆沉香焦燥，茫刺

深厚神漸昏沉。迺語之曰：此春溫過時熱病也。法宜清解，彼視為痛風而用辛溫，是謂如火益熱，適足以戕生，非衛生也。方和守氏亦以予言為是，迺用石膏五錢，知母、麥冬各三錢，竹茹、甘草、黃連各一錢，生姜三片，一帖而神清，再帖汗津津出，始能言，熱解食進。又兩帖，一身輕快，自能坐立，再用薏仁、麥門冬、白扁豆、甘草、黃連、白芍藥、香薷、白茯苓調養而愈。

二十六

程有望，年踰五十，月汛當止不止，來且甚多。

遍身皆疼手足牽扯而痛牙疼經年不愈此氣
虛血熱症也白芍藥二錢當歸八分人參七分
蒲黃五靈脂炒黑側柏葉各一錢五分甘草姜
炭各三分四帖諸症悉減惟牙痛尚存改用石
膏一錢五分人參石斛當歸各八分地黃白芍
藥各一錢黃連升麻各七分白芷甘草各三分
再四帖牙疼亦愈 二十七

上舍近洲予族中至厚姪孫也性拓落豪放不羈
夏仲在茗與諸友泛舟遊於碧浪之間興至即

百觥不辭亦以是終為酒困也嘔惡體熱胸脇
脹悶腹中疼痛大便秘結飲食大減茗之名醫
如楊調元者橋梓悉方治之已三月或愈或否
延至深秋肌瘦神瘁日進米僅二合胸脇脹腹
中痛漠然畧無所減漶然而不可支兩足皆有
浮氣歸謀於予左脉沉絃而數右關結實大如
碧豆因詰其在茗所服之劑答曰彼謂姪孫稟
薄肌脆宜當理脾向服多理脾之劑予曰否子
所苦者胸脇脹悶腹中疼痛大便秘結其累大

矣。理脾胃可以去此。哉。適足以益病耳。經曰。塞者通之。又曰。通則不痛。其治此病之謂歟。迺取當歸龍會丸三下之。大便秘行五六度。又與酒連酒。岑青蒿。姜黃。枳。即青皮。半夏。葛根。飲之。豁然。焦萬通達。呼吸開利。惟頭畧運。足上浮。未去。前方再加滑石。茯苓。蒼。薏。以仁山查。與調中。丸。兼服半月。全愈。近洲喜曰。人皆謂我症。但中滿。今不滿者。叔公力也。敢不德狀。予警之曰。吾聞君子之於身也。兢兢焉。不敢輕。父母之遺體。無伐天。

和則疾疢不作。無反天常。則裁害不逢。遽伯玉嘗言。行年五十而知四十九年之非。况新愈後。尤當痛懲。庶保遐齡。區區母足恃也。別未五年。予在宜興。聞果以傷酒而卒。噫。惜哉。二十八甲午秋。仲下旬。黃源金先生以中饋病急。謁予於市。貌甚慘。步立慄然。語其症。怔怔言。遊於吻。不勝其憂。執族醫尺一白。予云。病自仲夏吐血。二枕餘。初以岑連枝。藥生地。芍藥。大寒之劑。投之一帖而止。未幾則咳嗽徹晝夜。後師謂咳自吐。

血後當從滋陰降火之治逾兩月盡其法而罔
効反加喘促洩瀉辰巳二時發熱煩躁師告技
窮謂喘咳迺火刑肺金洩瀉迺脾胃已傷保脾
則火愈熾而喘咳增加滋陰則洩瀉綿綿而元
氣下脫經書所記嗽而下洩上喘者死此症之
謂也但無可奈何矣語竟泪潜潜下予觀其忡
忡之狀心不覺惕然動也市去渠宅五里許即
步去一視觀其面青喘促擗肩擗頂息息連身
而倒脇背俱疼日夜不得伏枕脉之左澁右寸

關滑大脰畢顧金兄猶泪盈骨予撫其背曰毋
泪尚可生也適徐仲子同視詰予曰症若此夫
予曰可生何也予曰是非汝所知也第觀予治
俟奏功當語汝遂以紫苑苗根牡丹皮桃仁益
元散桑白皮茯苓桔梗瓜萸仁桂枝白前水煎
臨服加韭菜汁半酒杯服後背脇痛止瀉減半
迺得睡但咳而聲啞不除次以杏仁桔梗紫苑
甘草白前五味子瓜萸乾姜款冬荅半夏麴通
草水煎服服後聲漸開瀉全止惟嗽尚多再以

雜考

二五

半夏麴桔梗茯苓陳皮甘草杏仁桑白皮白前以仁白芍牡丹皮水煎後以丹溪治嗽吐方用瀉白散加青皮人參白茯苓五味子調理全愈次年誕一子是後也徐仲子之功居多蓋金為徐仲子友也徐仲子治疾多奇中廼篤信子而推轂之初投劑人多置議仲子獨贊之曰其必有見也人人辟易彼許可生安得不望生哉故金任之不貳功成余明甫查仲修問予曰病起於吐紅發熱煩躁喘咳皆是火邪前後之師滋

陰降火藥法亦未爽然而病轉增劇其故何也予荅曰醫不難於用藥而難於認病余明甫查仲脩曰市人議先生治疾多不循方每每師心金之後市人皆為火症而用寒涼先生獨用溫熱雖成功小子竊為先生恐予曰病原於火其勢之劇以治之太峻致然夫血之初來勢如湧泉安能一吐遂盡必有餘血伏於經絡思不及此而以大寒之劑一帖而止夫大寒之劑豈能止血適以凝其血耳血凝經絡滯於氣道氣滯

血疑。甚。一旦氣滯。又復生痰。痰與瘀血。兩滯
經絡。則肺氣不利。故咳嗽聲啞。不加察。而為消
痰。化痰導血歸經。又以滋陰苦寒之劑。施之。則
痰瘀愈疑。而氣道愈不利也。久則胃寒脾弱。反
增洩瀉。晝夜喘促。不能卧矣。書云。上熱未除。中
寒復生。而為陰盛格陽之症。故咳而嘔吐。予故
始以桂枝乾姜之類。溫其胃。以桃仁葶汁丹皮
茜根之類。活其血。而消其痰。故喘止而瀉除。東
垣曰。脾胃喜溫而惡寒。信不欺也。古謂藥不貴

執方而貴。合宜方。即兵家之陣圖。匠氏之規矩
也。圖可授人。而不能授人。鬪匠可授人。規矩而
不能授人。巧此岳武穆對宗晉守云。運用之妙。
存乎一心也。予遊方之外。亦不失方之內。惟不
失方。竊謂知方。知方合法。豈區區能哉。觀古人
治虛怯之疾。即不治之症。亦能延之。三五載。迺
今治虛怯者。不半載。而竟殞逝。猶駕言曰。殆今
之天元運氣使然。故人多不壽。愚謂天元運氣
則人必皆如是。夫何予母八十有六。予父踰八

望九子伯母今九十有五子表伯汪春元東台
之父年九十餘疆健不啻少壯不思連天之由
皆為滋陰降火之悞而反歸咎於天天何尤哉
緣滋陰降火之法起於丹溪繼而王節齋何大
英之流倡而和之以成其風此當今之大弊而
人未之警也我師祖汪石山先生揭而指之惜
乎未有繼其言者一齊衆楚故滋陰之禍流而
迄今救以繼救無已時也二子子其識之徐仲
子其聞之乎仲脩又問先生何以認是症為中

寒而非陰虛之火而又認其喘為瘀血也予曰
脉與症皆可考脉經云澁為氣滯氣滯則血疑
盛吐之後大寒之藥一帖而止其未盡之餘血
為寒涼所凝滯于氣道為喘書云從前來者為
本從後來者為標茲用活血消瘀之劑治其本
以溫熱暖胃之劑治其標故瀉止而喘定也若
夫陰虛火動之脉迺細數之候今脉滑大非陰
虛之脉陰虛喘嗽之症潮熱於夜兩頰皆紅今
熱在辰巳陽分而面色帶青由是以知其非陰

虛之火。遇燥用寒涼激其火而上行也。經曰：水流濕，火就燥。中氣既寒，火愈不能下矣。正如兩驟雷烈，則雷光之火愈熾，日出而雷光自息也。且陰虛火動，火起九泉，皆自足下湧泉穴起，以漸上升。今膝下冷而上身熱，兩尺脈又弱，蓋由咳而氣升，經曰：形寒飲冷則傷肺，肺氣為寒藥壅遏，不得下降，故咳而吐酸。丹溪纂要云：陰氣在下，陽氣在上，喘咳嘔吐，瀉白散加人參、茯苓、五味子、青皮，故不從河間而用諸嘔吐酸皆屬。

於火之治，况今歲次甲午為濕土，司運八月建酉，水土衰敗之時。內經曰：母遠時，母代化，且脾惡濕，濕多則瀉，濕則生痰，前後之師不考運氣，月令一槩而用滋陰降火之劑，助濕生痰，安望其疾之愈也。丹溪纂要云：實脾土，燥脾濕，是治痰之本也。遵而用之，如鼓應桴，予故曰：醫不難於用藥，而難於認病，有以也。二十九

疾，姪合溪年當八旬，春初偶為寒襲，發熱咳嗽，醫與芩蘞散，即汗出不止，餽餽連聲，勺粒不入，昏

慣經魚汗日加。既日甚。延予診之。六部浮大無力。重按三五不調。六七至一止。右關近滑。脈畢語。嗣君敬所曰。尊翁由勞倦。表虛感邪。脈故浮大無力。法當從東垣補中益氣湯一二劑。可瘳也。醫迺妄為表散。致汗漏神疲。昏憤發。既高年。值此寧不殆乎。即可微俸圖安。亦不過十日養耳。敬所勃然。復而對曰。上已後。為家君壽期。不虞構疾。羸憊若此。苟保百日。俾救水之心。庶幾少盡叔祖之賜多矣。若千白。又出於望外也。予

即以六君子湯加竹茹柿蒂以止嘔。再加酸棗仁石斛以斂汗。一進熱退。既定。再進汗止。食入。三進。需需然精神長矣。迺減去竹茹柿蒂。加當歸半月。全安。先是祝令君謂渠有耆德。請為介賓。以疾辭不及赴。迨季春。令君聞渠壽。即援例賜一級寵。以冠帶扁額。用彰恩典。光於鄉閭。後果三年而卒。三十

孝廉方叔度。令嫂汪氏。年甫三旬。患脹滿。諸名家或補或消。或分利。或溫或寒。悉為數理。一番東

手而去舉家惶惶無所適從叔度曰聞孫仲閣
昔患此衆亦束手比得孫生生者治而起之衆
皆歛衽欽服仲閣伯仲適在館中闔諸訪之即
發書介予隨紹嚮往診得左脉絃大右滑大予
曰此李東垣木香化滯湯症也病從憂患而起
合如法按治可保終吉叔度喜曰曩從事諸公
悉云不治先生謂可保終吉此故倉公有言拙
者疑殆良工取焉是也幸先生早為措劑予即
照本方發四帖服訖腹果寬其半繼以人參消

痞湯琥珀調中丸調理二月全瘳叔度信予從
此始每推轂予於諸相知多有奇中卒為通家
之好三十一

臨溪吳天威丈年七十有三客即遠歸偶墜馬跌
傷左脇作痛隨治而愈後半年忽左胯腫痛增
寒作熱動止極艱里中諸公有認濕痰者有認
風氣者有認濕熱者總罔効聞欽外科洪氏能
且識雜病遂以為治居數日視為疝氣率投荔
枝核大小茴香川練子橘核之類痛噪不可當

通欲引繩自絕諸子百般慰解洪迺辭去竟不知為何疾也其婿汪開之予之表弟也邀予診之六脉浮而洪數左尺尤甚驗其痛處紅腫光浮如斃撫之烙手予曰此便瘰也洪係外科專門胡獨忽此蓋渠素慎重見患者年高焉敢認為便瘰治哉此殆千慮一失毋足恠諸郎君聞予言皆駭然詰予曰家嚴不御色者十載顧安得此願先生再思予曰此非近色而得審髀屬足厥陰肝經肝為血海迺昔時墜馬惡血消之

未盡瘀蓄經絡無門可出化而為膿由年高氣虛又被香燥剋伐太過不能潰而即出故散漫浮腫觀其色青中隱黑膿已成腐必須外用鏡針引而出之內用千金托裏庶可排膿生肉但予生平心慈不能用針予弟警吾外科良手可延而決之至即以鏡針深入寸餘出青黑膿五六椀許臭穢難近即語諸郎君曰使早決二日可免一月之苦今即日大補之非百日不能痊此俗名石米瘡也諸郎君及患者見膿色如是

素者

始信子言不藥。急以請劑。予廼用內托十宣散。參芪每帖三錢。後加至五錢。一日兩進。兩越月。膿盡肉滿而愈。一市稱奇。三十二

文貴者善為族文學。岐原出入子母者也。寓長興。即中病。發熱晝夜不止。口渴齒燥。鼻乾舌胎黃。厚不得眠。服藥不効。予適至雉城。岐原邀。脰之。脉俱洪數。嘔惡胸膈痞懣。小水短而赤。大便下。皆清水。予以石膏七錢。知母五錢。甘草一錢。軟柴胡五錢。葛根三錢。黃芩二錢。枳殼桔梗竹茹。

各一錢。連進三帖。嘔惡止。胸膈寬。熱仍未退。汗瀉未止也。時有問予者。謂胡不用柴苓湯而退熱止瀉也。服石膏故益瀉耳。予戲之曰。子廼三脚猫耶。能認此為何症。而用柴苓湯也。仍以柴胡石膏各七錢。為君。葛根知母各五錢。為臣。黃芩甘草各一錢。為佐。生姜五片。速進二帖。汗則津津然出。熱退瀉止。口不渴而眠矣。予因它往。留藥三劑。而囑之曰。胃氣初回。勢必思食。宜謹慎。不可多進。若多則餘熱復作。必成食復。治

新神

三十二

將費手也慎之慎之後五日果以食不慎而復病予又至熱較前為重且加懊懣夜譫語如見鬼狀口大渴齒燥舌焦黑有芒刺執危甚急以前方加枳實梔子各三錢淡豆豉二錢煎飲之二帖懊懣止餘症猶然夜更甚前方減去豆豉加黃連麥冬生地白芍一日二帖舌以井水生姜擦去黑胎用蜜調玄明粉塗之而胎去矣服三日始得微汗諸症盡減再四叮囑慎飲食調理半月而全岐原問曰人始皆認此症為滿底

傷寒謂叔不用柴苓湯退熱止瀉而用石膏為非。廼竟以石膏收功何也。予曰此問甚善。蓋醫貴認症。此症廼少陽陽明合病也。柴胡白虎湯葛根為二經對症之藥。服之可解肌熱。止口渴。若柴苓湯為太陽少陽合病之劑。內有五苓散。廼太陽經之裏藥。症非太陽。曷敢用之。且其內有人參白朮肉桂皆助熱發燥之味。誤投則必發斑。其齒燥舌乾而焦黑。又何敢用茯苓澤瀉猪苓利之。使益亡其津液耶。古人謂以傷寒為

大病不察症而誤投則生死立見傷寒論有言
不得汗不得下不得利小便是謂三禁故曰少
陽陽明不從標本從乎中治小柴胡白虎湯中
治劑也人徒見其大便作瀉為瀉底不察瀉皆
清水無糟粕者為熱極所致症迺春溫時疫也
但為發散使清氣上升而微有汗瀉當自止此
瀉豈五苓散所能止哉止則誤事岐原曰夜重
如見鬼者何以故予曰熱入血室故也岐原曰
男子亦有血室乎予曰血室男婦同之衝任二

脈為血之海二脈附於陽明今病迺陽明之熱
遺入血海也故加生地白芍而効余治傷寒用
柴葛解肌湯及柴胡白虎湯而熱不解者加此
二味則熱無不退汗無不出矣且下午與夜又
陰分主事欲解血海之熱必投此二味以收其
功此亦予一得之愚也岐原曰善願記之以詔
後來 三十三

鍾澤有程慶奎孺人者年將五十僅一子念一歲
而歿於痘且夕哭之哀且彌月攬鏡自鑑曰何

子死而形色不瘁如此。因持鉄如意錘其胸。絕粒斷漿。肌容日瘁。時為初秋。寒熱交作。嘔噦懊懷。遍身疼。夫為遍延。診視却藥不飲。諸醫百藥。開譬拒而不聽。媳與孫。而懇姻族。就而諭其不納者。若罔聞也。惟合睫以待死。已而作色語其夫曰。病若此。汝曷不延名醫一決生死乎。夫曰。所延皆名士。病者曰。昔嘗聞程方塘參軍患瘋三年而起者。誰曰孫君。又問吳西源。孺人病燥。搗痰喘三年。與程道吾內眷。勞瘵暈厥。誰為

起之。夫答如前。病者曰。何不請孫君決我生死。夫聞言。物色徵予。五日而後至。則薄暮矣。病者猶疑為誕也。私至三家。訪予狀。皆曰。魁然長髯者也。詰朝覲面。診之畢。則問曰。何日死。予應曰。病勢危。去死不遠。病者喟然嘆曰。死不足惜。第九華山。者。意未了為恨耳。予曰。孺人大意。不思何須以此小愿為孜孜也。孺人曰。無大愿。予曰。人之脩短有數。今年之痘死者不可勝計。令嗣之死亦數也。然有二孫可承宗祧。孺人能忍哀。

撫孫使其成立娶婦以蕃後胤令嗣雖死猶不
死也而孺人亦有令名若不此之思憂傷以殞
夫君必娶娶必少年繼室生子則必厚其子而
薄孺人之孫晚娘晚爺之誅獨不聞之耶孺人
萬金之家使令孫不得其所令嗣九泉之下恐
不能無憾孺人憂死何益也愿孰大於此者予
故謂未之思耳孺人試思之誰輕誰重當自辨
也語畢憮然曰先生言至此吾如寐者得醒矣
顧病勢去死不遠何能得如吾愿予曰所謂近

者病也非脉也脉左絃細右關滑故發熱體痛
嘔噦延秋來瘰症非死脉也若如前執拗不服
藥不進飲食書謂絕穀者亡殆非虛語孺人誠
聽予言以二孫為念以大體為重予以活血養
血之劑而治其傷損以小柴胡加竹茹滑石以
和陰陽而止其嘔噦不一月而可無恙矣奚憂
哉果從予言而進食服藥調理五日寒熱嘔噦
皆止後以丹參劉寄奴各三錢為臣五加皮五
錢為君香附一錢為佐入四物煎服果一月而

新柳

三十一

全可矣程孺人病起而聞者皆曰七發起太子之病觀於孫君益信三十四

歆潛口汪召南令郎年十四患蠱脹大如覆箕經醫三十餘人見症皆駭而走獨市之幼科汪養直者調理數數見效第此子溺於恭養縱口腹不守戒忌病多反復一日語召南曰即君之症非休之孫生生者不能成功召南曰聞此公多游吳浙縉紳間何以月日致也養直曰歸矣吾有妹適羅田為方與石丘嫂也舊歲患症如

蠱治經彌歲無功生生子立全之吾推轂孫君者豈有他腸為即君也召南即羅田延予予至日已晡矣觀病者腹脹大極青筋縷縷如蚯蚓大上自胸膈至上脘而止惟喜其不下現也臍平四肢面自皆浮大兩足胫骨上各裂開大出清水一日間數為更衣易被陰囊光腫如泡淫淫滲濕發寒熱脈以手腫不能取必推問其腫下指重按浮而六至予曰症可謂重之極矣僅可恃者目瞳子有神爾餘皆險惡將何以治

養直知予至。亟過相陪。宣言曰。病重不必言。引
領先生久矣。幸為投劑。生死無憾。予曰。且先為
理表。若表徹。稍得微汗。使肺氣少利。則小水可
通。召南喜而亟請藥。廼用熟蘊葉蘊子陳皮麻
黃各一錢。桑白皮八分。防風杏仁各七分。炙甘草
桂枝各三分。生姜三片。水煎服之。五更廼有
微汗。次早面上氣稍消。胸脯青筋皆退。餘症雖
仍舊。机括則可生矣。仍投前藥。次日腹與四肢
皆有縞紋。惟小水未利。廼改用破故紙蒼朮赤

茯苓澤瀉桑白皮赤小豆桂心木香二帖。而小
水利。駸駸已有生意。廼以飲食過度。大使作瀉。
又以四君子湯。加以仁破。故紙澤瀉山查砂仁。
調理而全。安此症予閱歷者不下數十。然青筋
未有如此之粗。足胛出水。有之。未有出水。處如
鮎魚口之大。而取効亦未有如此之速。蓋此子
體未破而真全。故症雖重。而收功速也。數十人
間有五六不能成功者。由其縱慾恣情。不守禁
忌。非藥之罪也。召南昆仲見人談醫。輒以不佞

為稱首予笑曰君得無到處逢人說項斯者耶
迺汪養直亦醫道中白眉迺不效功於後病者
不忌口過耳於養直何尤養直不矜已之功亦
不恃人之功所謂忠厚長者非耶 三十五

岩鎮鄭景南夫病卅年餘百治不效昔體豐腴今
瘦骨立飲食少進新都名士皆辭不治其家聞
昔年方士榮孺人蠱症時師亦皆辭去予為起
之因徵予治時則六月望也診其脈左絃大右
關滑大兩尺俱無惡心腹瘦削狀如仰在腸鳴

如雷晝夜不住小水不利肌膚及眼珠色若黃
金腹中有塊如櫟動跳不止足膝以下皆冷飲
食不入予詳思其病機昔肥而今瘦者痰也形
雖瘦而目炯炯有神先以五飲湯姑試之以觀
其勢再為加減因用旋覆苓八分破故紙一錢
肉桂三分白木茯苓澤瀉陳皮半夏各八分生
姜三片水煎服之二帖惡心腸鳴皆止次早飲
食稍進舉家欣忻色喜令岳程鍾山公於予為
石交聞病有起意心殊異之不知為予因而過

訪見予拊掌大叫稱快曰吾固知是公也指其
塊而語之此即所嘗與尔言者聞父為西吳
縉紳通番不意今歸誠吾婿之幸也相與談對
兩日而別別之時景南飲食稍加小水利肌膚
面目黃氣退漸有生機不虞逾半月為拂意事
所激而怒復吐痰不思飲食家人驚惶無措亟
請予診兩寸滑大左關絃勁搏指右關亦滑大
有力兩尺沉微予語之曰病甚重脉非前比且
不敢以萬全許第盡吾心爾病以藥力而回君

之福也時為七月之朔予因留視七日日進一
劑劑以人參陳皮半夏茯苓香附白芷仁黃連
旋覆荖麥芽甘草與服服三日惡心止大便有
稠痰下其中間有瘀血此皆木怒所致故經云
怒則傷肝甚則嘔血并下洩上吐亦或有紅點
子在痰中吐出是其徵也後改用六君子湯加
麥芽黃連枇杷葉白扁豆調理病勢駸駸向安
腹中如糲之塊亦漸消去大僅如指耳肌肉亦
生能下榻舉足以步市上之人稱奇

三十後聞
六月

新編

又被鬱怒頭發癩癧外科以爛藥點潰
服蜈蚣敗毒藥卒莫能收口而終傷哉

此處有非常模糊的垂直文字，內容難以辨認，可能是正文或旁注。

六卷終

